

Në zbatim të Ligjit nr. 80/2015 “Për Arsimin e Lartë dhe Kërkimin Shkencor në Institucionet e Arsimit të Lartë në Republikën e Shqipërisë”, neni 62, Statuti i UBT-së të miratuar me Urdhrin e Ministrit të Arsimit dhe Sportit me nr. 568, datë 02.12.2024, neni 44, si dhe Rregulloren “Për procedurat e rekrutimit për personelin akademik, ndihmës akademik dhe administrativ në Universitetin Bujqësor të Tiranës” të miratuar me Vendimin e Senatit Akademik me nr. 9, datë 23.02.2023, Kreu V, neni 14, po ju përcjellim kriteret për pedagog/e të ftuar në Universitetin Bujqësor të Tiranës për vitin akademik 2025-2026 si më poshtë vijon:

1. Të jetë diplomuar me studime universitare në të dy nivelet: Bachelor dhe Master i Shkencave ose në Diplomë të Integruar të Nivelit të Dytë - DIND në Republikën e Shqipërisë ose në vende të tjera, (*diplomat e fituara jashtë vendit duhet të jenë të njohura pranë MASR*).
2. Në rast të zotërimit të gradës Doktor i shkencave ose tituj shkencorë (*grada e fituar jashtë vendit duhet të jetë e njohura pranë MASR*).
3. Të kenë notë mesatare mbi 8.00, si mesatare për çdo cikël studimi të kryer.
4. Të zotërojnë me dëshmi së paku një gjuhë të huaj perëndimore (*anglisht, frëngjisht, gjermanisht, italisht, spanjisht*) niveli më i ulët B1.
5. Të mos jetë i dënuar nga gjykata me vendim të formës së prerë.
6. Të mos jetë marrë ndaj tyre masë disiplinore e largimit nga puna (*vetëdeklarim*).
7. Kandidati/ja duhet të jetë i/e punësuar në sektorin publik ose jopublik.
8. Të ketë marrë miratimin me shkrim nga punëdhënësi aktual për angazhimin si pedagog/e të ftuar pranë Departamenteve përkatëse për vitin akademik 2025-2026.
9. Të ketë përvojë në fushën e mësimdhënies akademike.

Personat e interesuar për tu angazhuar si personel akademik i ftuar pranë Universitetit Bujqësor të Tiranës, duhet të paraqesin këtë dokumentacion:

1. Kërkesë personale për angazhim si pedagog i ftuar për vitin akademik 2025-2026, ku të përcaktohet qartë moduli, departamenti dhe fakulteti.
2. Fotokopje e mjetit të identifikimit.
3. Curriculum vitae.
4. Kopje të diplomës universitare dhe të listës së notave përkatëse (*fotokopje të noterizuara*). Për diplomat e fituara në universitetet e huaja, duhet të dorëzohet fotokopje e noterizuar e certifikatës së njohjes nga organi kompetent.
5. Kopje të noterizuara të dëshmisë së gjuhës së huaj.
6. Vërtetim të qëndrës së punës ku punon.
7. Dëshmi e kualifikimeve pasuniversitare ose të gradave dhe titujve (*fotokopje e noterizuar*). Për diplomat Master dhe PHD të marra në universitetet e huaja, duhet të dorëzohet

fotokopje e noterizuar e çertifikatës së njohjes nga organi kompetent ose vërtetim që janë në proces njohje.

8. Dëshmi e pjesëmarrjes në konferenca, seminare, kongrese, workshop, etj.
9. Dëshmi penaliteti (*vetëdeklarim*).
10. Kopje e botimeve, artikujve, teksteve, revistave, projekte shkencorë etj.
11. Deklaratë personale që mban përgjegjësi për vërtetësinë e dokumentacionit të paraqitur.

Shënim:

*** Personat që janë angazhuar për herë të parë pranë UBT-së, si personel akademik i ftuar gjatë viteve akademike 2023-2024 dhe 2024-2025 duhet të plotësojnë vetëm dokumentat e mëposhtme:**

- Kërkesë personale për angazhim si pedagog i ftuar për vitin akademik 2025-2026, ku të përcaktohet qartë moduli, departamenti dhe fakulteti.
- Curriculum vitae e rifreskuar.
- Miratim me shkrim nga punëdhënësi aktual për angazhimin si pedagog/e i ftuar pranë Departamenteve përkatëse për vitin akademik 2025-2026.

*** Të gjithë aplikantët që aplikojnë për herë të parë për pedagogë të ftuar pranë UBT-së duhet të plotësojnë dosjen personale me të gjitha dokumentet e sipërcituara.**

*** Dokumentacioni i kërkuar duhet të dorëzohet pranë Drejtorisë së Burimeve Njerëzore dhe Shërbimeve Juridike deri më 31.10.2025.**

***Nuk do të pranohet asnjë dosje aplikanti që nuk plotëson kriteret e përgjithshme.**